

DIKOTLO TSE MABAPI LE DIKGUTLISO TSE MORAO TSA LEKGETHO LA LEKENO LA DIKGWEBO DI TLA QALA HAUFINYANA

Pretoria, 29 Pudukwana 2018 - Haufinyana SARS e tla qala ka dikotlo tsa tsamaiso tse mabapi le ho se kgutliswe ha dikgutliso tse morao tsa Lekgetho la Lekeno la Kgwebo (CIT).

Dikotlo tsa tsamaiso tse mabapi le ho se ikobelwe di tla ba hodima dikhampani tse hlolehang ho nehelana ka dikgutliso tsa lekgetho la lekeno ho latela ditlhoko tsa Molao wa Lekgetho la Lekeno, 1962, bakeng sa dihlahlobo tse phethetsweng ka 2009 le tsa dilemo tse latelang, moo SARS e fileng khampani tseko ya makgaolakang mme khampani eo e hlolehile ho fana ka kgutliso eo e morao matsatsing a 21 a kgwebo ka mora hore tseko eo ya makgaolakang e ntshuwe.

Dikotlo di pakeng tsa R250 ho isa ho R16 000, ho itshetlehlwe hodima lekeno le lefiswang lekgetho kapa tahlehelu e hlahlobilweng e entsweng ke khampani ho ya ka kgutliso ka nngwe e morao, sena se tla eketseha ka bokaalo bo tshwanang kgwedi ka nngwe moo ho hloleha ho ikobela ho ntseng ho tswela pele ka mora hore kotlo ya mantlha e ntshuwe. Sena ke ho latela Kgaolo ya 15 ya Molao wa Tsamaiso ya Lekgetho, 2011.

Ke setlamo bakeng sa dikhampani tsohle tse ngodisitsweng - tse nnyane kapa tse kgolo - ho fana ka dikgutliso tsa lekgetho la lekeno dikgweding tse 12 tsa mafelo a selemo sa ditjhelete sa khampani. Sena se ka etswa ho eFiling.

Lekgetho la Lekeno la Kgwebo (CIT) le leshwa ke dikhampani tseo e leng tsa Afrika Borwa, dikhampani tse fumanang lekeno kapa tse nang le kuno ya tjhelete kapa tahlehelu Afrika Borwa, kapa tse nang le setheo (lekala) sa ho ya ho ile ka hara Afrika Borwa.

Hwa bohlokwa, dikhampani tse bobileng - mohlala, dikhampani tse ngodisitsweng empa di hloka dirasiti kapa thepa - di lokela ho faela dikgutliso tse morao pele ho 2018, ho qoba ho fumantshwa kotlo.

SARS e tla fana ka dikotlo ka tsela ya hlahlobo ya kotlo eo ebang e sa leshwe, e tlang ho latelwa ke mehato ya ho fumana sekoloto. Khampani e ka kopa tekolo ya kotlo ho SARS mme ebang e sa dumellwa, khampani e na le tokelo ya ho kenya ngongoreho ho eFiling kgahlano le qeto ya ho se lekole.

Dikhampani tse hlohang lesedi le fetang lena, di kgothaletswa ho etela websaete ya SARS mabapi le tsa moraorao tjena leqepheng la CIT. Balefalekgetho ba ka boela ba ikopanya le SARS Contact Centre ho 0800 00 7277.